

永樂北藏

永樂北藏

趙樸初題



永樂北藏第四三冊目錄

○大阿彌陀經	二卷	吳支謙譯	(貞三—四)		一
○佛說觀彌勒菩薩上生兜率陀天經	一卷	劉宋沮渠京聲譯	(貞五)		六三
○佛說彌勒下生經	一卷	姚秦鳩摩羅什譯	(貞五)		七四
○佛說彌勒來時經	一卷	失譯人名附東晉錄	(貞六)		八五
○佛說彌勒下生成佛經	一卷	唐義淨譯	(貞六)		八八
○佛說觀彌勒菩薩下生經	一卷	西晉竺法護譯	(貞七)		九六
○佛說彌勒成佛經	一卷	姚秦鳩摩羅什譯	(貞七)		一〇七
○佛說第一義法勝經	一卷	元魏般若流支譯	(貞八)		一三一
○佛說大威燈光仙人問疑經	一卷	隋闍那崛多譯	(貞九)		一四九
○一切法高王經	一卷	元魏般若流支譯	(貞十)		一七一
○佛說諸法勇王經	一卷	劉宋曇摩蜜多譯	(潔一)		一九九
○順權方便經	二卷	西晉竺法護譯	(潔二—三)		二二五
○佛說樂瓔珞莊嚴方便經	一卷	姚秦曇摩耶舍譯	(潔四)		二六五
○菩薩昧子經	一卷	失譯人名附西晉錄	(潔五)		三〇一

○佛說胎子經	一卷	乞伏秦聖堅譯	(潔五)	三九
○佛說九色鹿經	一卷	吳支謙譯	(潔五)	三一七
○佛說太子沐魄經	一卷	西晉竺法護譯	(潔五)	三二〇
○太子慕魄經	一卷	後漢安世高譯	(潔五)	三二三
○無字寶篋經	一卷	元魏菩提留支譯	(潔六)	三三一
○大乘離文字普光明藏經	一卷	唐地婆訶羅譯	(潔六)	三三八
○大乘遍照光明藏無字法門經	一卷	唐地婆訶羅譯	(潔六)	三四四
○佛說老女人經	一卷	吳支謙譯	(潔六)	三五二
○佛說老母經	一卷	失譯人名附劉宋錄	(潔六)	三五五
○佛說老母女六英經	一卷	劉宋求那跋陀羅譯	(潔六)	三五七
○佛說長者子制經	一卷	後漢安世高譯	(潔七)	三五九
○佛說菩薩逝經	一卷	西晉白法祖譯	(潔七)	三六四
○佛說逝童子經	一卷	西晉支法度譯	(潔七)	三六九
○佛說月光童子經	一卷	西晉竺法護譯	(潔七)	三七三
○佛說申日兒本經	一卷	劉宋求那跋陀羅譯	(潔七)	三八四
○佛說德護長者經	二卷	隋那連提黎耶舍譯	(潔八—九)	三八九

○佛說犢子經	一卷	吳支謙譯 (潔十)	四三一
○佛說乳光佛經	一卷	西晉竺法護譯 (潔十)	四三三
○佛說無垢賢女經	一卷	西晉竺法護譯 (潔十)	四四一
○佛說腹中女聽經	一卷	北涼曇無讖譯 (潔十)	四四五
○佛說轉女身經	一卷	劉宋曇摩蜜多譯 (男一)	四五—
○文殊師利問菩提經	一卷	姚秦鳩摩羅什譯 (男二)	四七九
○伽耶山頂經	一卷	元魏菩提留支譯 (男二)	四八八
○佛說象頭精舍經	一卷	隋毗尼多流支譯 (男三)	五〇三
○大乘伽耶山頂經	一卷	唐菩提流志等譯 (男三)	五一五
○佛說決定總持經	一卷	西晉竺法護譯 (男四)	五二七
○佛說謗佛經	一卷	元魏菩提留支譯 (男四)	五三八
○大方等大雲經	四卷	北涼曇無讖譯 (男五—八)	五四九
○如來莊嚴智慧光明入一切佛境界經	二卷	元魏曇摩流支譯 (男九—十)	六七九
○深密解脫經	五卷	元魏菩提留支譯 (效一—五)	七二七
○解深密經	五卷	唐玄奘譯 (效六—十)	八二九
○佛說諫王經	一卷	劉宋沮渠京聲譯 (才一)	九三一

- 如來示教勝軍王經 一卷 唐玄奘譯 (才一) 九三六
- 佛為勝光天子說王法經 一卷 唐義淨譯 (才一) 九四五
- 寶積三昧文殊師利菩薩問法身經 一卷 後漢安世高譯 (才一) 九五三

大阿彌陀佛經序

頁三

大藏經中有十餘經言阿彌陀佛濟度衆生其間四經本爲一種譯者不同故有四名一名無量清淨平等覺經乃後漢月支三藏支婁迦識譯二曰無量壽經乃曹魏康僧鎧譯三曰阿彌陀過度人道經乃吳月支支謙譯四曰無量壽莊嚴經乃本朝西天三藏法賢譯其大略雖同然其中甚有差互若不觀省者又其文或失於太繁而使人厭觀或失於太嚴而喪其本真或其文適中而其意則失

之由是釋迦文佛所以說經阿彌陀佛所以度人之旨素而無序鬱而不章予深惜之故熟讀而精考叙爲一經蓋欲復其本也其校正之法若言一事在此本爲安彼本爲杌隉則取其安者或此本爲要彼本爲泛濫則取其要者或此本爲近彼本爲迂則取其近者或彼本有之而此本闕則取其所有或彼本彰明而此本隱晦則取其明者大槩乃取其所優去其所劣又有其文碎雜而失統錯亂而不倫者則用其意以脩其辭刪其重以暢

其義其或可疑者則闕焉而不敢取若此之類皆欲訂正聖言發明本旨使不惑於四種之異而知其指歸也又各從其事類析為五十六分欲觀者易見而喜於讀誦庶幾流傳之廣而一切衆生皆受濟度也予每校正必禱於觀音菩薩求冥助以開悟緣無錯誤始末三年而後畢既畢乃覆而自喜無誤曰大阿彌陀經蓋佛金相精說者亦阿彌陀經彼則其文少故疑言本以別之然佛說經非若吾聖人所說也吾聖人所說或深其

文而叢其意使人索之而愈見其多或簡其文而晦其意使人思而後得佛則不然必欲詳陳曲布使人人可曉雖至愚下者亦知其意焉然而有辭直而意愈深者經所謂須信佛語深是也切不可以輕其辭而忽其意紹

興壬子秋國學進士龍舒王日休謹序

五之說言一

佛語而辭言一

數人之言亦無不精而不平

由是觀之則佛說之經阿彌陀經

誦淨口業真言

唵修利修利摩訶修利修利娑婆訶

次誦五淨真言

唵尾鼠提娑婆訶

淨身器神呪

唵林殿都戍陀那耶娑婆訶

次向西頂禮祝云

弟子昧謹為盡虛空界一切衆生故依盡虛空界一切諸佛一切正法一切聖僧西方極樂世界阿彌陀佛觀世音菩薩大勢至菩薩

永樂北藏

大阿彌陀經

一切菩薩聲聞諸上善人昧今為盡虛空界一切衆生持誦大阿彌陀經及讚佛懺罪迴向發願願如此等衆生各各自誦經讚佛懺罪迴向發願願盡拔濟生於極樂世界乃念大慈菩薩讚佛懺罪迴向發願偈云

頁三

三

十方三世佛 阿彌陀第一 九品度衆生
威德無窮極 我今大皈依 懺悔三業罪
凡有諸善福 至心用迴向 願同念佛人
盡生極樂國 見佛了生死 如佛度一切
如為薦亡或穰灾或保安則隨意祝願不須

第四三冊

如前祈禱亦須誦真言先皈依三寶及西方四聖然後祝願若爲自身往生則宜一一如前其功德甚大矣

佛說大阿彌陀經卷上

法會大衆分第一

如是我聞一時佛在王舍國靈鷲山中與大弟子衆千二百五十人俱一切大聖神通已達其名曰尊者了本際尊者正願尊者正語

尊者大號尊者仁賢尊者離垢尊者名聞尊者善實尊者具足尊者阿難若此皆上首者又大乘衆菩薩普賢菩薩妙德菩薩慈氏菩薩等此賢劫中一切菩薩又賢護等十六正士善思議菩薩信慧菩薩空無菩薩神通華菩薩皆尊普賢大士之德具諸菩薩無量行願安住一切功德之法如是等菩薩大士一時來會

阿難發問分第二

爾時世尊容色光麗異於他日尊者阿難即

從座起偏袒右肩長跪合掌而白佛言今日
世尊諸根悅豫姿色清淨光顯巍巍如鏡明
瑩暢徹表裏自我侍佛以來未嘗獲覩威容
有如今日豈非念過去諸佛或現在未來諸
佛故致然耶佛言善哉阿難有諸天教汝來
問汝自問耶阿難言我自以所見而發此問
佛言汝所問者勝於供養一天下聲聞緣覺
及布施諸天人民下至蛸飛蠕動之類雖至
累劫尚百千萬億倍不可以及所以者何蓋
諸天帝王人民下至蛸飛蠕動之類皆因汝

貞三

四

所問而得度脫之道阿難如世間有優曇鉢
華雖有其實不見其華有佛出世華然後有
佛難值遇亦如此華今我出世汝善知吾意
特為發問誠不妄侍佛矣汝當諦聽吾為汝
說對言誠欲聞之

五十三佛分第三

佛言前已過去劫大衆多不可計無邊幅不
可議爾時有佛出世名定光如來教化度脫
無量衆生皆令得道乃取滅度次有佛名光
遠次有佛名月光次有佛名栴檀香次有佛

名善山王次有佛名須彌天冠次有佛名須彌等曜次有佛名月色次有佛名正念次有佛名離垢次有佛名無著次有佛名龍天次有佛名夜光次有佛名安明頂次有佛名不動地次有佛名瑠璃妙花次有佛名瑠璃金色次有佛名金藏次有佛名炎光次有佛名炎根次有佛名地種次有佛名月像次有佛名日音次有佛名解脫華次有佛名莊嚴光明次有佛名海覺神通次有佛名水光次有佛名大香次有佛名離塵垢次有佛名捨猊

意次有佛名寶炎次有佛名妙頂次有佛名勇力次有佛名功德持慧次有佛名蔽日月光次有佛名日月瑠璃光次有佛名無上瑠璃光次有佛名最上首次有佛名菩提華次有佛名月明次有佛名日光次有佛名華色王次有佛名水月光次有佛名除癡冥次有佛名度蓋行次有佛名淨信次有佛名善宿次有佛名威神次有佛名法慧次有佛名鬘音次有佛名師子音次有佛名龍音次有佛名處世如此諸佛皆已過去

法藏本因分第四

佛言次有佛名世自在王如來應供等正覺
明行足善逝世間解無上士調御丈夫天人
師佛世尊十號具足在世教化四十二劫爾
時有大國王聞佛說法喜悅開悟即棄王位
往作沙門號法藏比丘高才智慧勇猛無能
及者詣彼佛所稽首禮足右繞三匝長跪合
掌以偈讚佛
如來妙色相 世間無等倫 遠勝日摩尼
火月清淨水 威神無有極 名聲震十方

永樂北藏

大阿彌陀經

皆由三昧力 精進成智慧 持覺若溟海
深廣無涯底 無明與貪恚 冰釋已無餘
從是超世間 歎仰不能已 端如好樹華
莫不愛樂者 處處人民見 一切皆歡喜
布施及淨戒 忍辱并精進 禪定大智慧
吾誓得此事 六三 一切諸恐懼 六 普為獲大安
過度諸生死 無不解脫者 我至作佛時
種種如法王 假使恒沙數 諸佛悉供養
不如求正覺 堅勇必成就 能使無量刹
光明普照耀 濟度越恒沙 威德誰可量

第四三冊

我刹及莊嚴 華好獨超卓 九欲求生者
清淨安以樂 度脫永無窮 幸佛作明證
發願既如是 力行無懈怠 雖居苦毒中
忍之終不悔

大願問佛分第五

佛言爾時法藏比丘說此偈已復白世自在
王佛言世尊我發無上菩提之心願作佛時
於十方無央數佛中為最智慧勇猛頂中光
明照耀十方無有窮極所居刹土自然七寶
極明麗溫柔我化度名號皆聞於十方無央

數世界莫有不聞知者諸無央數諸天人民
以至蛸飛蠕動之類來生我刹者悉皆菩薩
聲聞其數不可窮盡比諸佛世界悉皆勝之
如是者寧可得否時世自在王佛知其智識
高明心願廣大即為說言譬如大海一人斗
量歷劫不止尚可見底況人至心求道精進
不止何求不得何願不遂時法藏比丘聞佛
所說則大歡喜佛乃選擇二千一百萬佛刹
中諸天人民之善惡國土之麤妙隨其心願
悉令顯現法藏即一其心遂得天眼莫不徹

見

四十八願分第六

佛言爾時法藏比丘乃往一靜處其心寂然俱無所著默坐思惟攝取彼佛刹清淨之行如彼修持復詣佛所而白佛言世尊我已攝取二千一百萬佛刹所以莊嚴國土清淨之行願有數陳惟佛聽察彼佛告言善哉汝可具說諸菩薩衆聞汝志願因以警策亦能於諸佛刹修習莊嚴法藏白言第一願我作佛時我刹中無地獄餓鬼禽畜以至蜎飛蠅動

之類不得是願終不作佛第二願我作佛時我刹中無婦女無央數世界諸天人民以至蜎飛蠅動之類來生我刹者皆於七寶水池蓮華中化生不得是願終不作佛第三願我作佛時我刹中人欲食時七寶鉢中百味飲食化現在前食已器用自然化去不得是願終不作佛第四願我作佛時我刹中人所欲衣服隨念即至不假裁縫擣染浣濯不得是願終不作佛第五願我作佛時我刹中自地以上至於虛空皆有宅宇宮殿樓閣池流花

樹悉以無量雜寶百千種香而共合成嚴飾
奇妙殊勝超絕其香普熏十方世界衆生聞
是香者皆修佛行不得是願終不作佛第六
願我作佛時我刹中人皆心相愛敬無相憎
嫉不得是願終不作佛第七願我作佛時我
刹中人盡無淫泆嗔怒愚癡之心不得是願
終不作佛第八願我作佛時我刹中人皆同
一善心無惑他念其所欲言皆豫相知意不
得是願終不作佛第九願我作佛時我刹中
人皆不聞不善之名況有其實不得是願終

不作佛第十願我作佛時我刹中人知身如
幻無貪著心不得是願終不作佛第十一願
我作佛時我刹中雖有諸天與世人之異而
其形容皆一類金色面目端正淨好無復醜
異不得是願終不作佛第十二願我作佛時
假令十方無央數世界諸天人民以至蜎飛
蠕動之類皆得爲人皆作緣覺聲聞皆坐禪
一心共欲計數我年壽幾千億萬劫無有能
知者不得是願終不作佛第十三願我作佛
時假令十方各千億世界有諸天人民以至

蚰飛蠕動之類皆得爲人皆作緣覺聲聞皆坐禪一心共欲計數我刹中人數有幾千億萬無有能知者不得是願終不作佛第十四願我作佛時我刹中人壽命皆無央數劫無有能計知其數者不得是願終不作佛第十五願我作佛時我刹中人所受快樂一如漏盡比丘不得是願終不作佛第十六願我作佛時我刹中人住正信位離顛倒想遠離分別諸根寂靜所止盡般泥洹不得是願終不作佛第十七願我作佛時說經行道十倍於

諸佛不得是願終不作佛第十八願我作佛時我刹中人盡通宿命知百千億那由他劫事不得是願終不作佛第十九願我作佛時我刹中人盡得天眼見百千億那由他世界不得是願終不作佛第二十願我作佛時我刹中人盡得天耳聞百千億那由他諸佛說法悉能受持不得是願終不作佛第二十一願我作佛時我刹中人得他心智知百千億那由他世界衆生心念不得是願終不作佛第二十二願我作佛時我刹中人盡得神足